

Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Quinam Casus censeantur Episcopis reservati.

urn:nbn:de:hbz:466:1-40873

Quinam Casus censcantur Episcopis reservati.

Quinque Casus enumerat Lezana, verbo, *Casus reservati num. 2.* qui communiter dicuntur Episcopales. Nempe, peccatum habens de jure annexam pænitentiam publicam, aut excommunicationem majorem, aut irregularitatem, nec non peccatum incendiarii, & publica blasphemia. Docet tamen cum aliis ibidem Lezana ex solo jure communi nullum esse causum Episcopis reservatum. Casus igitur Episcopales potius erunt illi, qui vel ex consuetudine, vel expressa eorum voluntate illis reservantur.

In Belgio ab Archiepiscopo Mechliniensi expressè reservantur casus sequentes. Raptus Virginum, Homicidium. Incendium deliberatâ voluntate procuratum. Simonia. Sodomia. Hæresis. Apostasia. Incestus cum consanguineis, aut Sanctimonialibus. Injectio manuum violenta deliberato proposito, cum laesione in Parentes. Sortilegium. Adulterium notorium. Addunt, & omnia delicta habentia excommunicationem majorem annexam; ac quæ sunt prædictis graviora. Casus hi omnes reservantur etiam ab Episcopis Antverpiensi, Gandensi, Brugensi, Ippensi, & Ruremundano. Nam Pastorali ad usum totius illius Provinciæ edito inscruntur. Ippensis insuper reservat sibi Casum Sacrilegii; & Mechliniensis peccatum carnis Complicis operæ compleatum, sic ut Confessarius complexus non possit ab eo absoluere. Hunc etiam Complicis casum Antverpiensis modò reservat. Prædictos casus omnes, ut memoriae promptius occurrant, Theologus noster sic nitidè expreflit:

220 Pars 3. tract. 2. cap. 3. De Impedim Absol &c.

Incestus, Raptus, Sodomita, & notus Adulter,
Incendens, Perimens, Percussoresque parentum,
Sorti legus, Sectator, Apostata, & impius Emptor:
Sacrilegus servatur Ipra, complexque Malina
Nunc etiam Advatica Complex fert vincula Mitre.

In his, ubi actu reservantur, pro absolutio-
ne recurrendum est ad Episcopos, aut alios
quos ipsi ad Casus etiam Episcopales appro-
bant, aut designant. An vero Ordines Men-
dicantes vi suorum privilegiorum possint hodie
in Belgio à casibus Ordinario reservatis absolu-
vere, disputat cum quibusdam aliis Franciscus
Bonæ Spei de Paenit. disp. 10. n. 48. ubi pro par-
te affirmativa citat novem Recentiores, qui il-
lam probant, tum quia, inquiunt, prohibi-
tiones factæ ante Urbanum VIII. anno 1628.
VIII. prohibitio, tantum est, ne Regulares
absoluant in vim privilegiorum illis ante Tri-
dentinum concessorum, vel post confirmato-
rum; est autem, inquiunt, privilegium Pauli
III. & Pauli V. uni Ordini, cum quo alii Men-
dicantes communicant, concessum de novo,
& non solum in confirmationem, post Tri-
dentinum, absoluendi ab illis casibus: tum de-
nique ajunt, quia Bulla Cœnæ, &c decreta S.
Congregationis, Mendicantium privilegia de-
super revocantia, non sunt in Belgio promul-
gata. Verum ipse Bonæ Spei *supra*, negativam
sententiam sustinet, maxime ob specialem Ur-
banii VIII. declarationem, quam citat, & Alex-
andri VH. censurantis oppositum inter Proposi-
tiones sibi à Regularibus diœcesis Andegavensis
propositas 30. Januarii 1659. His addo ejusdem
Alexandri propositionem 12. inter prohibitas
anno 1665.

Brevi